


圖書集成醫部全錄

第四十冊

種子

傷寒一至七



博物彙編藝術典第三百五十三卷目錄

醫部彙考三百三十三

種子門一

黃帝素問 上古天真論

孫思邈千金方

房中吉日

王相日

月宿日

雜忌法

朱震亨格致餘論

房中補益論

徐春甫古今醫統

原始要終論

陰虛論

調經種子論

喻昌寓意草

論服種子壯陽熱藥之悞

方一萬靈至寶仙酒

青娥丸

三才丸

又方

種子方

五子衍宗丸

老奴丸

種子方

黑豆神方

鹿胎丸

法製蝦米

鹿茸酒

沉香

既濟丸

巨勝丸

五子衍宗丸

老奴丸

種子方

延生護寶丹

補陰丸

虎潛丸

溫膽方

資始健乾丸

黃生

順坤丸

巨勝丸

五子衍宗丸

老奴丸

種子方

延生護寶丹

補陰丸

博物彙編藝術典第三百五十四卷目錄

醫部彙考三百三十四

種子門二

方二大補天丸

延壽丹

石刻安腎丸

無比山藥丸

鹿茸丸

八味丸

十精丸

五精丸

七珍丸

至寶丹

延壽丸

子寶丹

加味坎離丸

仙茅丸

滋血龍二至

百補丸

鹿茸丸

八味丸

十精丸

五精丸

七珍丸

難頭粥

八珍益母丸

八珍益母十全丸

何首烏丸

四物益母丸

四製妙應丸

補腎種子

黑髮烏鬚

奇方

單方

導引

醫案

博物彙編藝術典第三百五十五卷目錄

醫部彙考三百三十五

傷寒門一

黃帝素問

上古天真論

生氣通天論

熱論

靈樞經

邪氣臟腑病形篇

熱病篇

論勇篇

百病始生篇

扁鵲難經

外戚

張機傷寒論

太陽經上篇

博物彙編藝術典第三百五十六卷目錄

醫部彙考三百三十六

傷寒門二

張機傷寒論

太陽經中篇

太陽經下篇

博物彙編藝術典第三百五十七卷目錄

醫部彙考三百三十七

傷寒門三

張機傷寒論

陽明經上篇

陽明經中篇

陽明經下篇

博物彙編藝術典第三百五十八卷目錄

醫部彙考三百三十八

傷寒門四

張機傷寒論

少陽經全篇

合病

併病

壞病

瘵病

太陰經全篇

少陰經前篇

少陰經

博物彙編藝術典第三百五十九卷目錄

醫部彙考三百三十九

傷寒門五

張機傷寒論

厥陰經全篇

過經不解

差後勞復陰陽易病

王叔和脈訣

嚴用和濟生方

傷寒總論

朱肱活人書

論治法 辨經絡

識陰陽

察脈候

分表裏

詳藥證

博物彙編藝術典第三百六十卷目錄

醫部彙考三百四十

傷寒門六

朱肱活人書

太陽經脈證治

發汗和解之味

寒傷營

風傷衛

風見寒

脈寒見

風脈表證

汗自汗

發熱惡寒

惡風

熱多寒少

汗出而熱不退

煩躁

頭疼

身疼

身痒

嗜臥發黃

陽明經脈證治

裏證

潮熱

汗出而熱不退

煩躁

頭疼

身疼

身痒

胃乾

發狂

吐衄

潮熱

汗出而熱不退

煩躁

頭疼

身疼

身痒

下利

發熱

惡寒

惡風

熱多寒少

汗出而熱不退

煩躁

頭疼

身疼

博物彙編藝術典第三百六十一卷目錄

醫部彙考三百四十一

傷寒門七

朱肱活人書

大便

小便

似瘥

多服

不得眼

表裏證

無表裏證

表熱裏寒

復陰

論汗下法

可汗

不可汗

可下

不可下

合病併病

兩感傷寒

壞病

劉完素六書

傷寒論

解利傷寒論

心要論

心要餘論

主療說

傷寒表證

傷風表證

傷風表證

種子門一

黃帝素問

上古天真論

帝曰有其年已老而有子者何也岐伯曰此其天壽過度氣脉常通而腎氣有餘也此雖有子男不過盡八八女不過盡七七而天地之精氣皆竭矣

註天壽過度先天所秉之精氣盛也氣脉常通後天之地道尚通也是以腎氣有餘而有子此雖有子然天地之精氣盡竭於七八之數者也

帝曰夫道者年皆百數能有子乎岐伯曰夫道者能却老而全形身年雖壽能生子也

註惟修道者能出於天地陰陽之數也

唐孫思邈千金方

房中吉日

御女之法交會者當避丙丁日及弦望晦朔大風大雨大霧大寒大暑雷電霹靂天地晦冥日月薄蝕虹蜺地動若御女則損人神不吉損男百倍令女得病有子必癩癡頑愚瘡癰膿瘰癧跛盲眇多病短壽不孝不仁又避日月星辰火光之下神廟佛寺之中井竈園廁之側塚墓尸柩之旁皆所不可夫交合如法則有福德大智善人降託胎中仍令性行調順所作和合家道日隆祥瑞競集若不如法則有薄福愚癡惡人來託胎中仍令父母性行凶險所作不成家道日否殃咎屢至雖生成長家國滅亡夫禍福之應有如影響此乃必然之理可不再思之若欲求子者但俟婦人月經絕後一日三日五日擇其王相日及月宿在貴宿日以生氣時夜半後乃施瀉有子皆男必壽而賢明高爵也以月經絕後二日四日六日施瀉有子必女過六日後勿得施瀉既不得子又不成人

王相日

春甲乙 夏丙丁 秋庚申 冬壬癸

月宿日

正月 一日 六日 九日 十日 十一日 十二日 十四日 二十一日 二十四日

二十九日

二月 四日 七日 八日 九日 十日 十二日 十四日 十九日 二十二日

二十七日

三月 一日 二日 五日 六日 七日 八日 十日 十七日 二十日 二十五日

四月 三日 五日 六日 八日 十日 十二日 十五日 十八日 二十二日

二十八日

五月 一日 二日 三日 四日 五日 六日 十二日 十五日 二十日 二十五日

二十八日 二十九日 三十日

六月 一日 三日 十日 十三日 十八日 二十三日 二十六日 二十七日 二十八日

二十九日

七月 一日 八日 十一日 十六日 二十一日 二十四日 二十五日 二十六日

二十七日 二十九日

八月 五日 八日 十日 十三日 十八日 二十一日 二十二日 二十三日 二十四日

二十五日 二十六日

九月 二日 六日 十一日 十六日 十九日 二十日 二十一日 二十二日

二十四日

十月 一日 四日 九日 十日 十四日 十七日 十八日 十九日 二十日

二十二日 二十三日 二十九日

十二月 四日 九日 十二日 十三日 十四日 十五日 十七日 二十四日
若合春甲寅乙卯夏丙午丁巳秋庚申辛酉冬壬子癸亥與此上件月宿日合者尤益

雜忌法

黃帝曰人有所怒血氣未定因以交合令人發癰疽又不可忍小便交合令人淋墜中痛面失血色及遠行疲乏來入房五勞虛損少子且婦人月事未絕而與交合令人成病得白駁也水銀不可近陰令人消縮鹿猪二脂不可近陰令人陰痿

元朱震亨格致餘論

房中補益論

或問千金方有房中補益法可用否予應之曰傳曰吉凶悔吝生乎動故人之疾病亦生於動其動之極也病而死矣人之有生心爲火居上腎爲水居下水能升而火能降一升一降無有窮已故生意存焉水之體靜火之體動動而易靜而難聖人於此未嘗忘言也儒者立教曰正心收心養心此所以防此火之動於妄也醫者立教恬惔虛無精神內守亦所以遏此火之動於妄也蓋相火藏於肝腎陰分君火不妄動相火惟有稟命守位而已焉有燔灼之虐倏飛走之狂勢也哉易兌取象於少女兌說也遇少男艮爲咸咸無心之感也艮止也房中之法有艮止之義焉若艮而不止徒有戕賊何補益之有竊詳千金之意彼壯年貪縱者水之體非向日之靜也故著房中之法爲補益之助此可用於實壯心靜遇敵不動之人也苟無聖賢之心神仙之骨不易爲也女法水男法火水能制火一樂於與一樂於取此自然之理也若以房中爲補殺人多矣況中古以下風俗日偷資稟日薄說夢向癡難矣哉

明徐春甫古今醫統

原始要終論

大矣哉人之有生也其陰陽造化之妙乎夫陰陽生生不息之德其在於物則本乎乾坤其在於人則根乎精血是故雖具道體之妙而實寓修用之機自其常而觀之雖愚夫愚婦固亦可以知也自其變而言

之雖智士仁人亦有所不能焉是故體則陰陽精血也凡則陰陽配合也精血盈足配合中時此其常也所謂愚夫愚婦之可知者亦自然之理也精血虧欠配合不時此其變也所謂智士仁人之不能者亦顛沛之勢也夫以處其常也予固知其無待形於言矣然而當其變也豈可以弗辨哉達道君子安可不以用變之際而加之意焉者乎是理也先哲神之而愚亦得以及其意矣請詳陳於左易曰天地絪縕萬物化醇男女構精萬物化生又曰陰陽合德而剛柔有體正所謂獨陽不生獨陰不成是也蓋謂人之夫婦猶天地然天地之道陰陽和而後萬物育夫婦之道陰陽和而後男女生苟或父精母血一有不及而謂有胎孕者未之有也是故欲求子者必先審其婦之月經調否經者常也如日月應期而來按期而止無易常也故曰月經期有不調者或先或後或一月兩至或間月一來有絕閉不通有頻來不止或先痛而後行者或先行而後痛者有黑色者有紫色者有淡色者有白帶白淫白濁者是皆血氣不調者也諸如此類必按證以藥而調治之及夫男子之病亦在所當知也其有不足者有腎虛精滑有精冷精清或臨事而不堅堅即流而不射有盜汗夢遺有便濁淋瀝有腰憊不能轉搖有好色以致陰虛有勞熱者有虛寒者是皆精氣不足者也諸如此類亦必按證施藥而補益之夫男而無以上諸病然後可以獨責乎婦若此者誠男子之責也奈何歸咎於婦哉婦無恙亦末如之何也已矣婦之經脉既調男之真精亦足所謂陰陽和氣血平則百病不生而能有子子且壽矣奚艱嗣之有哉既和之以陰陽宜按之以方法而人事亦不可不盡也訣曰三十時中兩日半二十八九君須算落紅滿地是佳期金水過期空撩亂撩亂之時枉費工樹頭樹底覓殘紅但解開花能結子何愁丹桂不成叢此蓋婦人月經方止金水初生此時子宮正開乃受精結胎之候妙合太和之時宜以人事副之庶不失造化之妙也過此佳期則子宮閉而不受胎矣然男女之別各有要妙存焉月經方過一日三日五日交合者此乾道成男二日四日六日交合者坤道成女又云陰血先至陽精後衝縱氣來乘血開裹精陽內陰外是則精勝其血故陽爲之主男形所由以成也若陽精先入陰血後參橫氣來助精開裹血陰內陽外是則血勝其精故陰爲之主女形所由以成也欲嗣之廣者必由斯道而得之誠由斯而求之亦由斯而得也其或不然而亦有之者特徵幸

癰月瘡發搖痰喘痘疹火疹赤痛解顛龜胃滯頤內弔鵝口木舌重舌等證豈不皆根父母精血之初與夫妊婦虛弱不能謹節之所致歟又或未滿百日遂與鹹酸之味未至周期輒與肥甘之餌百病由此而生也其患曰丁奚哺露五疳吐逆黃疸腹脹浮腫痞癰瘡痼積聚殮瀉洞瀉等證豈不皆由飲食過傷調養失宜之所致歟自是觀之大半胎病而小半傷食也一本體弱而稟受不厚至又妊婦情慾動中而胎氣隨熾或好食煎炙而多味辛酸或喜怒暴寒而嗜欲無節殊不知兒在胎內一脉貫通母饑亦饑母飽亦飽動履食息而胎氣隨之故皆足以令子受惠也胎前既如古者婦人之妊子寢不側坐不偏立不跛不食邪味割不正不食席不正不坐目不視邪色耳不聽淫聲夜則令誓誦詩道正事如此則生子形容端正才過人矣何今人愛子無方姑息太過反致傷生兒多枉死而與巖牆桎梏不能盡其正命者何異焉今見溫良之婦妊娠起居皆有節度生子少病痘疹亦稀足可以爲師法矣有父母之責者甯不於是而容心哉由是觀之賢愚得失較然矣孟子曰不孝有三無後爲大然孝以事親人則知之而孰知孝之大者乃所以善繼其後也乎慨有知此而不知求子之道也良可惜哉奈何委乎自棄者甘於命過乎慮念者惑於巫忍心害理曷此甚也大抵君子當造命不當委命愚爲是論亦理法之準者言之耳豈曰無徵而不信乎

陰虛論

格致餘論云陽常有餘陰常不足氣常有餘血常不足蓋有餘之陽氣者非直指心經之元陽也諸火之謂也夫火有二心爲君火五行正一之火也腎爲相火邪妄之火也凡一有動相火隨之而燔燒燦真陰竭枯精髓經云壯水之主以制陽光此之謂也又曰形不足者溫之以氣精不足者補之以味溫也者溫養其氣而調和之以靜勝夫動也經曰勞者溫之是矣味也者藥味也經曰陰之所生本在五味可見補陰一方人人之所必用自壯至老而不可缺焉者也丹溪曰因火而成疾者十有八九不因火而成疾者百無一二故夫火乃無根之物人之一身五臟六腑無所不有惟陰盛可以制伏之趙繼宗謂陰本不足故不必補補不足者而至於有餘則反有太過之害吁趙亦未之思耳助不給補不足理之自然實其實

虛其虛醫之深弊危而不持顛而不扶則將焉用彼相矣經曰諸寒之而熱者取之陰所以責其陰之不足則虛火乘之而起精血津液皆爲之枯涸而夢遺淋濁虛勞內熱之證作矣治法責其無水當以補陰之劑與夫養血調中滋陰降火之屬又云補腎者不必濟以寒強腎之陰熱之猶可此固未嘗膠於知藥之補陰而當識其有爲知藥之君者斯可矣不然多見苦寒傷胃執一無權身且不保而欲望其有子也烏可得乎是則滋陰之劑故雖無恙而亦可以常服矣所謂緩則治其本也兼夫澄心息慮以溫養之多服健乾斑龍等劑而於子也殆必欲之則至其如視諸掌乎夫何人多不察妄信輕依頓服辛熱香燥助陽之藥適所謂以火濟火援石拯溺抱薪救火斯何異矣高明君子幸其鑒之

調經種子論

岐伯曰女子二七而天癸至任脉通太衝脉盛月事以時下則有子蓋任主胞胎通則陰道之奉也衝爲血海盛則氣血俱盛也婦人腎氣全盛衝任週流如月之虧盈應期行止而有常度曰調遇交合則有子矣否則三五錯綜皆所謂不調也不調則百病發生甚至不治孕暇言乎經曰三陽之病發心脾有不得隱曲女子不月其傳爲風消其傳爲息責者死不治况心屬陽而主血脾裏血以行氣若月經不通未必不由心事不足思慮傷脾有所勞倦穀氣不輸肺金失養腎水無滋經血津液日以枯涸以至三五不調漸至絕閉虛損內熱骨蒸勞瘵之證作而卒於難治也所以養心則血生健脾則氣布二者胥和則氣暢血行而調經之要斯其至矣復何患之有且夫行經之時亦必保之如產遠房勞戒浴洗毋過於寒熱喜怒一有失中疾病隨起調治之法如氣鬱血虛潮熱黃瘦而經不調者以丹桂散香附丸之類主之氣虛血熱先期而來過多不止者以鎮經湯固經丸之屬治之過期不來腰腹脹痛者以促經湯紅花散之屬行之濕痰麻木者水附丸燥之至於虛實寒熱更詳脉法抑何有經之不正而孕之不育乎

按蠡斯之道男須氣足精充女必經調血盛而後可期是宜兼求之於夫婦者也茲門只詳孕育之道而不及乎調經之言者以婦人門中已備載之故不復贅

雖五官弗備而樂在也雖艱苦患難而樂亦在也谿山風月有我便主人木石禽魚相親悉爲好友何取溺情枕席肆志淫佚也哉卽造物小兒無所施其播弄矣至於勢分之樂與康健難老之樂惟福厚者始兼有之蓋得貴之與得壽其源若有分合兩塗少年純樸不凋此壽基也而嫌其精采不露髻鬢機神流動此貴徵也而嫌其渾敦太鑿此其間半予天半予人而後天奉若之功不知費幾許小心然後可疑休而求命故在得志以後旣知此身爲上天托畀之身自應葆精奇神以答天眷若乃女愛畢席男歡畢輸竭身中之自有而借資於藥餌責效於眉睫致宵小無知之輩得陰操其禍人之術以冀捷獲雖前代之覆轍皆然而今時爲益烈矣蓋今者雍熙之象變爲繫促世運已從火化復以躁急之藥濟之幾何不喪亡接踵乎此道惟岐黃言之甚悉但士宦家不肯細心究討耳其云凡陰陽之道陽密乃固兩者不和如春無秋如冬無夏是故因而同之是謂聖度此段經文被從前註解埋沒不知乃是明言聖人於男女之際其交會之法度不過使陽氣祕密乃得堅固不洩耳然而陰陽貴相和有春無秋是無陰也有冬無夏是無陽也所以聖人但調其偏以歸和同允爲交會之法度而已夫聖人太和元氣生機自握我觀夫調琴弄瑟考鐘伐鼓雖閨壺之性情克諧而况於己身之血氣禮陶樂淑仁漸義摩雖民物之殷阜坐致而况於一人之嗣息所以凡爲廣嗣之計者其用藥之準但取純王以召和無取雜霸以兆戾也而經又云陰平陽祕四字尤足互暢其義蓋陰得其平而無過不及然後陽得其祕而不走洩也此可見陽之祕密乃聖神交會所首重然後陽之祕密卽不得不予其權於陰正以陽根於陰培陰所以培陽之基也今人以峻烈之藥劫盡其陰以爲培陽益以房幃重耗漸至髓消肉減神昏氣奪毛瘁色夭尚不知爲藥所悞可勝悼哉向見一浙醫宋姓者在京師製成大顆彈丸遍送仕宦托名臍帶胎髮其實用煉過硫黃在內服之令人陽道驟堅可喜未幾燥病百出吾鄉諸大老受其禍者歷歷可指近遊鹿城聞張鴻一孝廉以進紅鉛傷腦而日夜精流不止蓋腦爲髓海腦熱而通身之髓盡奔究竟熱未除而髓先竭骨痿艱行矣至妻過天如先生舊宅見鼻中濁涕凡落板壁者深黃之色透入木中剗刷不除詢之亦繇服種子熱藥所致後以傷風小恙竟至不起噫嘻腦熱已極蒸涕爲黃出鼻之熱尚能透木曾不省悟至熱極生風

尚治外而不治內也復何言哉吾鄉劉石閭先生服熱藥而病消渴醫者鄧橘存堅令服六味地黃湯千劑果效蓋得於壯水之主以制陽光之旨也高郵袁體仁種子經驗方皆用陰陽兩平之藥蓋得於陰平陽秘之旨也此老於醫而審於藥者因并表之又方士取黑鉛之水名爲神水金丹以惑人凡痰火之病初得其下行之力亦覺稍爽而不知鉛性至燥轉致劫陰爲害反大又有用蒸臍之藥名彭祖救命之法者夫臍爲人之命根以麝香硫黃附子等大熱散氣之藥加艾火而蒸灼幸而不中真氣尚無大害若蒸動真氣散越不收擾亂不甯有速斃耳聞婁中老醫穆雲谷嘗誨人曰蒸臍一法有損無益斷不可行旨哉言矣亦并表之

方一

萬靈至寶仙酒

身經通考下同

生精益腎助陽補陰強發舉痿又治婦人赤白帶下月水不調肚冷臍痛

未孕者卽孕

淫羊藿酒洗淨剪碎十兩

列當如無以肉從代之

仙茅糯米泔浸一宿竹刀削去粗皮黑頂各四兩

雄黃研黃蘗去粗皮知母去尾各二兩

當歸酒洗浸八兩右咬咀用無灰酒十五斤裝入瓶內

封固桑柴文武火懸煮三箇時埋地內三晝夜去火毒取出待七日將藥撈出曬乾爲細末糯米粉打糊丸桐子大酒藥同服仍以乾物壓之此酒用銀壺或磁壺重湯煮熱服酒後不可妄瀉待時而動少則三月多則半年精瀉胞成屢試屢驗忌牛肉鐵器宜陰藏人

青娥丸 黑鬚育子

杜仲去粗皮切片用鹽四兩煎湯浸破故紙一半酒浸一半薑汁浸萆薢去節刺分四分一分人乳

浸一分童便浸一分薑汁浸一分酒浸各一斤右藥俱浸三日取出去汁不用共一處陰三日曬三日

星月全夜露天之下炒乾爲末用糯米一官升煮爛飯先用核桃肉一斤去粗皮將飯與核桃肉合一

處搗千槌不見核桃肉白星爲度卽於月下丸桐子大不得留至次日失太陰之精早晚二服每服一

錢五分宜陽藏人

一斤 右煉蜜爲丸桐子大量服多寡

又方 陽不足者服此兼服三才丸妙難盡述

沙苑蒺藜淨微炒 甘州枸杞子去梗淨微炒 南魚鱧細長白淨者切豆大蛤粉炒成珠各八兩 右

爲細末煉蜜丸桐子大空心好酒下二錢半

種子方

魚鱧膠淨白者麪炒成珠一斤 知母去尾酒炒 破故紙酒浸炒 韭子 鹿角霜炙各二兩

青鹽一兩 生地 熟地 山茱萸肉 枸杞子 沙苑蒺藜酒煮曬乾爲末各三兩 當歸身

核桃肉搗如泥各四兩 右爲細末煉蜜丸桐子大每服五十丸酒或鹽湯下

五子衍宗丸

枸杞子 菟絲子餅各八兩 覆盆子五兩 車前子二兩 遼五味子一兩 加仙茅八兩修合春用

丙丁巳午日夏用戊己辰戌丑未日秋用壬癸亥子日冬用甲乙寅卯日修合時忌鰥寡婦人雞犬見

之蜜丸酒下

種子方

蒺藜細末一半粗末一半煎膏 雞頭子肉 蓮鬚黃者各四兩 山茱萸肉 覆盆子各三兩

龍骨五色者火鍛 右共爲末蒺藜膏加蜜爲丸清晨臨臥俱服

黑豆神方 延年種子

何首烏用黑豆九製八錢 當歸酒洗 五加皮 骨碎補刮去毛蜜水拌蒸 生地黃 青皮去穰

杜仲薑汁炒斷絲 遠志去骨甘草水浸一宿炒 附子童便製甘草製薑汁製 巴戟酒洗去骨

棗仁炒 瑣陽酥油塗炙 紫梢花去骨各五錢 枸杞子 槐角各一兩 蒺藜椿去刺酒拌蒸

肉蓯蓉酒洗去鱗膜 蛇牀子酒拌蒸各四錢 牛膝酒浸蒸七錢 青鹽二兩 金櫻子去毛淨

破故紙微炒各六錢 右藥入水二十椀煎至十椀滓再煎十椀共藥二十椀用小黑豆十五椀拌浸蒸

曬以藥完爲乾年少者去巴戟附子瑣陽紫梢花四味

九子丸

良方下同

強陽補腎益精氣壯筋骨種子延年

肉蓯蓉四兩酒浸二宿切焙乾 蛇牀子微炒 仙茅糯米泔浸三宿用竹刀刮去皮於槐木砧子上

切陰乾 遠志去心 鹿茸刮去毛酥塗炙黃色 續斷搥碎去筋膜酒浸一宿 舶上蘂香微炒

巴戟去心 車前子各一兩 右爲細末用鹿脊髓五條去血脉筋膜以無灰酒一升熬成膏更碾極爛

同煉蜜少許和丸如梧桐子大每服五十九空心用溫酒送下

法製蝦米 起陽補腎

蝦米一斤去皮殼青鹽酒炒乾至香熟爲度 眞蛤蚧青鹽酒炙脆爲度一對 茴香青鹽酒炒

淨川椒同上法製不可過各四兩 右酒須用渾濁煮酒二升帶浮蛆釀酒最佳攪入青鹽製用先製蛤

蚧椒皮茴香乾却製蝦米以酒盡爲度候香熟取前三味同和勻用南木香粗末二兩同和乘熱收入

磁器內四圍封固候冷取用每服一勾空心細嚼鹽酒下

鹿茸酒 治虛弱陽事不舉面色無光小便頻數不思飲食

嫩鹿茸半兩去毛切作片 乾山藥一兩爲末 右以生薄絹裹用官酒一瓶浸七日後開瓶飲食日三

盞爲度酒盡再將酒一瓶浸喫了却將鹿茸焙乾留爲補藥內用之極妙

沉香既濟丸 滋補下元調順諸氣能令陽事壯健飲食加進其功異乎諸藥其方得於桑哥丞相

家人所傳用無不效

沉香 木香 青鹽各一兩 川楝子青鹽炒 枳殼去穰酒浸麩炒微黃 巴戟天去心酒浸

韭子酒浸炒各三兩 麝香二錢 白茯苓去皮 八角茴香用青鹽少許炒或用小茴香亦可

肉蓯蓉酒浸各二兩 右爲細末入別研藥末和勻酒煮麵糊和丸如梧桐子大每服五六十空心用

好酒送下以乾物壓之大有神效忌食生葱蘿蔔豆粉諸血恐泄其眞氣也

加味青娥丸 補諸虛不足陰陽道衰滋陰氣悅容顏

丸如梧桐子大每服三十九空心用溫酒送下以乾物壓之

老奴丸 一名蒼龍丸

木香五錢 燈心二錢 大蜘蛛七箇 萆澄茄 胡桃肉另研 車前子炒 馬蘭花酒浸 萆薢

牡蠣火煨 韭子 木通各一兩 熟地黃五兩 山茱萸去核 破故紙酒浸 桑螵蛸酒浸

全蠍去毒 龍骨各一兩半 母丁香 紫梢花 蛇牀子 肉苁蓉酒浸 菟絲子酒蒸 白茯苓

仙靈脾 八角茴香 巴戟去心 遠志去心 當歸各二兩 沉香七錢 乾漆炒去煙三兩 右爲

細末煉蜜和丸如梧桐子大每服三十九空心用溫酒送下七日見效無婦人者勿服專與陽事欲解

者飲涼水三口年高氣衰虛耗風濕腰脚疼痛並宜服之此藥最靈驗添精補腎傷除去冷風濕扶經

更起陽老誠好修合祕密莫傳揚假之保元氣延壽得安康一方無桑螵蛸當歸沉香

延生護寶丹 補元氣壯筋骨固精健陽通和血脉潤澤肌膚延年益壽

菟絲子酒浸透蒸熟碾作餅曬乾碾作末三兩 肉苁蓉酒浸切焙 晚蠶蛾酥少許慢火炒

家韭子四兩水淘淨用棗二兩同煮棗熟去棗水淘淨控乾再用酒浸一宿火炒軟各二兩 白龍骨

胡盧巴微炒 蓮實去皮炒熟 桑螵蛸炒香 蛇牀子二兩水淘淨用棗三兩同煮棗熟去棗焙乾

各淨秤一兩 乾蓮花蕊 乳香另研 丁香 鹿茸去毛酥炙 木香各半兩 麝香二錢另研 右

除乳香麝香菟絲子末外一十二味同爲細末將前菟絲子末用浸藥酒二升文武火熬減一半 蕎

麥麵一兩以酒調勻下膏子內攪勻次下乳香麝香不住手攪勻輕沸熬如稠糊放冷此膏子都要盡

恐硬入酒少許與前藥末和成劑杵千餘下丸如梧桐子大每服三十九早空心用溫酒入炒鹽小許

送下靜坐少時想藥至丹田以意加減丸數如陽道衰精滑空心臨臥各進一服

溫脾臍丸 治證同前

溫脾臍一對 沉香半兩 鹿角膠 鹿角霜碾 麋茸各二兩 熟地黃 胡盧巴 菟絲子酒蒸

巴戟 鍾乳粉碾 乳香碾 當歸 牛膝酒浸 肉苁蓉酒浸 小茴香炒 天雄 附子各二兩

硃砂二錢碾 麝香一錢 右先將臘臍酒浸一宿煑爛搗成膏將浸藥酒化麋鹿膠霜同爲膏次下另碾乳香麝香硃砂乳粉末其餘藥修製了亦碾爲細末再於乳鉢內同碾千萬下別用白羊腰子三對白羊脊髓五條酒煑熟爛碾爲膏同臘臍麋鹿角膠搜拌藥內成劑得所若稍乾入酒糊些少同搜和入白內搗三五千杵丸如梧桐子大審一宿慢火上焙乾罐子盛用厚紙密封罐口每服三十九加至五七十九空心用溫酒送下

溫臍方

五靈脂 白芷 青鹽各二錢 麝香一分 右爲末另用蕎麥麪水和成條圈於臍上以前藥實於臍中虛冷甚者加硫黃入麝香爲引用艾灸之婦人尤宜但覺臍中溫煖卽止過數日再灸太過則生熱也

資始健乾丸

醫統下同

按此誠種子之良方寒熱不偏君佐不紊滋補無過丈夫少病而無子悉宜服之無不效者若或陽事痿弱精冷精清宜服巨勝丸之屬以扶陽也若水不勝火心旺腎衰熱煩精滑大補陰丸之屬以益陰焉

秋石製

鹿角霜製各四兩

人參

枸杞子

山茱萸肉

麥門冬

天門冬

生地黃酒浸

杜仲薑汁炒斷絲

熟地黃酒浸各二兩

右爲末老米麵作糊爲丸如梧桐子大每服五十丸空心滾

白湯下一月後候女子月經方過金水正生之時男子空心服車前子湯半盞至夜交會卽有孕矣

資生順坤丸

按此方和氣調經養血清熱女人寒少熱多久無子孕服之悉效若血海多寒子宮

久冷宜服蠡斯丸之屬以溫煖之若不甚寒宜用墨香丸之屬以和養之也

香附米一斤四製春秋三日夏二日冬七日曬乾爲末篩去頭末取中末半斤 川當歸酒浸微焙

白茯苓土炒各三兩

川芎

白芍藥

熟地黃

生地黃

牡丹皮

黃芩去黑朽

益母草

柴胡 臭椿根白皮各二兩

右爲末醋糊丸梧桐子大空心淡醋湯下六十九食乾物壓之

巨勝子丸

左尺脈微而弱陽虛不舉宜服之

菟絲子 天門冬 枸杞子 天雄製 補子仁 川牛膝 熟地黃 續斷各一兩 覆盆子 芡實 川椒去目并合口者 胡盧巴 蓮花蕊各五錢

右爲末煉蜜丸梧桐子大每服七十丸空心酒下食物壓之

瑞效丸 元氣不足腎虛陽脫易痿易瀉尺脈俱微服之壯陽益氣補髓添精

菟絲子酒製碾 枸杞子 破故紙酒洗微炒 韭子炒 茴香鹽炒 穿山甲炮 金墨燒煙盡

遠志 蓮花蕊 紅花 蓮肉 母丁香 芡實 牛膝酒洗 木香各一兩 巴戟酒浸 益智仁

川棟肉 青鹽 沉香各五錢 右爲末酒糊丸梧桐子大每服五十丸空心酒下不飲酒者鹽湯下食

乾物壓之

還少丹 陽事痿弱精氣不射尺脈微細無子者宜服之

熟地黃 枸杞子各兩半 牛膝酒洗 遠志肉 乾山藥 山茱萸肉 巴戟天去心 白茯苓

五味子 石菖蒲 肉蓯蓉酒洗 楮實子 杜仲薑汁炒 茴香炒各一兩 右爲末煉蜜和棗肉丸

梧桐子大每服五十丸食前溫酒或鹽湯送下日三服

大補陰丸 左尺脈洪陰虛火動服此降陰火補腎水故能生子

黃蘗 知母並鹽酒炒各四兩 龜板酥炙 熟地黃酒洗焙乾碾各六兩 右爲末煉蜜和猪脊髓丸

梧桐子大空心薑鹽湯送下七十丸

虎潛丸 左尺脈浮洪大虛此藥固精元滋陰降火

黃蘗鹽酒炒半斤 知母鹽酒炒 熟地各一兩 白芍藥炒 川牛膝酒洗 陳皮 瑣陽 當歸

虎脰骨酥炙各兩半 龜板四兩酥炙 右爲末酒煮羊肉搗爛丸如梧桐子大每服五十丸空心鹽湯

下冬加乾薑半兩

加味虎潛丸 腎脈虛數精神短少腰膝無力此藥壯筋骨補腎填精生子

人參 黃芪蜜炙 白芍藥煨 當歸酒洗 山藥各一兩 故紙炒 瑣陽酥炙 虎骨酥炙

龜板酥炙 菟絲子製 杜仲薑汁炒斷絲 五味子各七錢半 牛膝酒浸二兩 右爲細末煉蜜和